

ESNAN CU AWE TA HAYA RECONOCIMIENTO

Ocho persona a wordo escohi pa Comision Celebracion Dianan Nacional pa haya reconocimiento riba dia di Himno y Bandera.

LOUIS ZSCHUSCHEN



A traha den ramo hotelero na Aruba cu Coral Strand hotel y Talk of the Town, tabata manager di e restaurant "Moonlight Grill, tabata miembro di Association of Voluntaries of Aruba y a ricibi reconocimiento como miembro di Kiwanis club of Aruba pa servicio voluntario na comunidad. EDI a wordo honra hasta cu un sala den e hotel Talk of the Town cu su nomber "Louis Room".

JUANCHO PABLO



Juan Maximo Pablo, "Juancho Pablo" a wordo reconoci pa su carera deportivo, principalmente pa su carera di futbol. Juancho su nomber semper a wordo menciona entre e "Grandinan" di futbol di nos isla. Semper e tabata integrante di Dakota y tabata capitan di seleccion di tanto Aruba como di Antiyas cu mas di 50 wega internacional, un record dificil pa kibra. El a hunga fuera di Aruba, Corsow y Bonaire, na Trinidad, Costa Rica (7 biaha), Mexico, El Salvador, Honduras, Venezuela, Suri-

name, Guatemala, Puerto Rico, Hulanda, Alemania y Dinamarca.

NA 1966 e tabata deportista di aña di ASU. El a dirigi Dakota tambe como entrenador siguiendo cursonan na Mexico Trinidad y Antiyas. Su orguyo tabata tempo cu el a wordo escoge como unico hungador di Aruba pa seleccion di Antiyas contra Costa Rica y bolbe cu victoria di 2-0 pa e wega di eliminacion pa mundial.

EDDY RAS



Otro deportista cu ta ricibi reconocimiento di Eddy Ras, deportista conoci y popular di varios deporte y cu a representa Aruba y Antiyas den

casi tur deporte. Den little league el milita den Oso Grape, den Junior League pa Kodak, participando den seleccion di Aruba cu Little, Junior y senior League. Cu 16 aña el a bira-miembro di Marlboro participando den diferente campeonato Antiyano cu Marlboro.

Den futbol el a cuminsa cu Aruba Jrs. y jmes aña cu el a drenta Marlboro el a drenta tambe den division hoofdklasse di futbol y despues a pasa pa RCA hungando campeonato antiyano. El a hunga campeonato antiyano tambe den seleccion di juvenil y Senior y cu seleccion a biaha pa Hulanda y Suriname pa weganan di reino y preclasificacion mundial.

Den softball el a hunga pa Aldo y participa den varios campeonato Arubano y Antiyano. Den judo el a obtene faha bruin y mester a retira debi na lesion na rudia y esey neto ora cu e mester a

bay Canada pa campeonato mundial.

Den basket el a hunga pa Aruba Jrs y RCA A clase y den seleccion. El a enfrenta Sithoc di Corsow, Pasadena di Merca y Chinese little Devils di Suriname y tabata coach di equipo B di RCA cu a titula campeon varios biaha.

Su logronan mas grandi tabata cu tennis cu a bira su profesion despues. El a gradua na school di Nick Bolletierri, trainer y mentor di hopi tenista mundial di awe. El a bira campeon junior y senior di Aruba, e tabata campeon di Aruba, 3 biaha campeon antiyano y 5 biaha campeon antiyano doubles. E ta un di e tenistanan grandi di tur tempo di nos isla y cu a hunga varios torneo internacinal grandi y contra tenistanan di taya mundial.

Sigui lesa pag. 26

RUBEN PHILIPS



Un di e gran baseballistanan cu Aruba a conoce ta Ruben Philips cu den decanan 40, 50 y 60 a destaca y briya den nos baseball. Ruben ta e pitcher cu ta ser considera esun mas grandi di nos isla. E tabata gran deportista tambe riba tereno di futbol y softball. El a hunga pa Babe Ruth y pa Red Rock Cola y na Corsow el a hunga cu entre otro Bambino Lake y baby Philips. Hunto cu Nel Harms e tabata forma e duo invencible cu nan famoso one-two punch. El a wordo hasta selecta pa hunga bala di Grandes Ligas, opero a keda Merca solamente un aña. Como veterano Ruben a fungi como umpire semper corecto y cu gran caracter.

JETTY TJUNG



Jetty Tjung ta e popular tante jet di Manchebo Hotel. Jetty cu a traha como head cashier, front office executive, Head housekeeper y despues como Guest Rela-

tions Manager ta conoci como e persona cu ta duna 100 % di su mes den su trabao tur dia for di 1967 na e hotel. Jetty tabata e "pagador di candela" di e hotel pasobra ta tur problema e por a soluciona. El a wordo reconoci como supervisor di aña pa Caribbean Hotel International Conference na 1988 (CHIC 88) Na Suiza el a specializa su mes den area di hotel y turismo y a retira despues di casi 30 aña den servicio di e industria y a retira 4 aña pasa y ainda ta ricibi postcard di conocirnan (cu tabata bishitante di Aruba).

ALFRED RODGERS



Sr. Edward Alfred Rodgers ta e popular "Greeter" di Alhambra Casino. Rodgers manera e ta ser yama pa tur hendea cuminsa traha cu Divi Resorts na 74 den mantencion y 10 aña despues a bira e "Greeter" di Alhambra Casino, dunando cada bishitante un bon bini y saludo na nan vegada na e casino.

El a ricibi reconocimiento di Divi Resorts y nombra Embahador di Bon Boluntad. Na varios ocasion el a forma parti di delegacionnan di e hotel promoviendo e compania y Aruba na Merca. Rogers a sacudi man di mas di 6.5 milyon bishitante y ta conoci como e cara mas conoci di Aruba.

ERROL EARLE BROWN



Errol Brown a nace den cuna di Carnaval di Aruba y ta un figura cu for di 1963 ta activo den carnaval pa gruponan grandi di San Nicolas. E prome cinco añanan cu

su creacionnan y fantasia y despues lider di su propio grupo pa 8 aña y semper entre e mihoman. Di 1969 pa 1975 el a yuda tambe hopi grupo di carnaval pa organiza nan mes y tabata figura cu a ser honra pa Coastal pa dirigi e grupo di carnaval di Coastal. Seis biaha Coastal a bira grupo di Aña bao su direc-

como "E" bombero. El a traha na Lago como electricien for di 1962 y bira Planner Senior Supervisor na 1981 cu el a uni como voluntario na e cuerpo di bombero di Lago y bira tambe capitan di e cuerpo, y na 1968 tabata tambe asistente di hefe di bombero na Brandweer.

WOMENS CLUB



cion y aña pasa a bira e grupo di mas grandi cu mil participante. Errol tabata practica judo y a representa Aruba na Puerto Rico, Canada, Cuba y Antiyas, ta co fundador di team di softball di Lago Heights y conoci tambe

Womens Club di Aruba tambe a haya reconocimiento e aña. El a wordo funda na april 1934 door di señora Lloyd G. Smith casa di president di Lago e tempo ey. Afilia su mes na 1937 na Federacion General di Womens Club na Washing-

ton y den transcurso di aña a crece y bira un grupo internacional grandi representando 26 nacionalidad. Nan accionnan tabata bao di nomber di "Tene Aruba Limpi y Bunita" na 1970 cu awor ta cay bao di Limpi Comite. Despues a bini e Comite "REconocimento na nos studiantenan", na 1985 a bini cu e campaña di concientizacion di AIDS, na 1989 nan a ser honra pa e federacion gneral internacional pa e proyecto aki. NA 1990 a instala e comite contra abuso di mucha. Nan a traha pa yega na Cas Pa hubentud, nana yuda RESpetami cu video, y riba abuso di mucha. Entre 1992 y 1994 a produci poster cu menahe positivo basa riba e proyecto di Biblioteca di diseña poster pa stimula mucha lesa. Nan a subsidia e concurso di poster riba Concientizacion di AIDS riba nivel nacional. Womens Club a ricibi varios reconocimiento di e federacion internacional y mas recien nan a ricibi premio pa e proyecto "Pap test" tanto nacional como general.

**TELEFONNAN
DI DIARIO**
826747
FAX
828551